



雙溪倡和詩卷第六

德清 徐倬 蕢村選

叢芸館小集

以雨松卧花叢風  
牀展書卷為韻

柯煜 得展字

側聞水晶宮羣仙盛游行遂令戴笠人赤腳踏蒼  
蘚契濶雲霞交宿昔心期展邀我虹月舟詰曲蘭  
橈轉貽我藻笈書天人洞微顯飲我碧筒酒至樂  
非沉酒高談挾清風四座冷然善紛紛區中緣遼  
絕不待遣

沈樹本 得卧字

新秋掩蓬門殘暑廢書課獨勤良友招屢向溪堂  
過幽齋吾善處重到不敢唾諦觀乃吾廬脫巾竟  
高卧枕簟竹影涼盆池荷葉大峰缺月初升檐罅  
風微簸炎威隔重霄靜氣凝四座主人註易成時易齋作  
易解初脫稿把讀恐手澆更喜丹丘生談詩俗解破鯁生  
但啣盃追陪愧郊賀

沈楷世

得楷字

秋氣何自來林端露湛湛高軒環碧荷秀色照欄  
檻仙侶快同舟對酒興不減咄哉襍穢兒觸熱紅  
塵犯何如耽清吟快若虓虎鬪安用撫皇墳鴻文

本無範預愁明日別空使魂消黯

沈楨國

得書字

入門所見夥秋色盈庭除石砌鋪綠錢銅瓶插紅  
蕖位置儼圖畫爽氣生琴書彷彿木蘭柴宛若水  
竹居喜無俗慮迫陡覺愁腸攄欣逢素心人追隨  
樂有餘俄焉具壺觴飲滿傾浮蛆盤殮羅綺食肴  
核登嘉蔬涼飈却珠汗秋思落輕裾相羊擬達晨  
安用賦歸與而况此良會後日恐不如出門重分  
手臨別還趨趨山頂月漸吐枝頭露漸滑陶然返  
柴門一枕遊華胥

東圃小集

沈涵倡

偶向牆東開半畝懶誇綠野傲平泉  
僅栽花木供吟興欲敞樓臺少俸錢  
客爲忘形長滿座身因無事久安眠  
就中試領閒中趣一日婆婆抵一年

柯煜

絕少新池開激灑并無竒石鬪巉峿  
一亭恰受圍碁局三徑都隨種藥欄  
叢桂偶從前歲得高梧不礙隔牆看  
知公簡朴由天性遠比郊居恐未安

沈炳震

嬾疏泉石比郊居隨分東偏好結廬  
位置琴尊亦經濟移栽花木是銓除  
月明簟冰耽佳句風細荷香把異書  
地近竹林時一過團焦深坐興方舒

秋涼飲酒詩

吳斯洛

昨宵涼露泫秋聲轉庭宇舉杯對明月  
已具賓與主况逢素心人欣然倒清醕  
天時既易遷人事復誰忤憂樂兩不形  
妙機自領取達士觀化心所得豈小補  
時復一中之有懷庶傾吐

吳溶

涼颺動林表爽氣橫襟帶清光照碧空明月當頭  
大因憶暑未消欲避苦無奈幸茲秋已新幽興滿  
郊外良辰何可擲不如飲爲最舉杯共陶然隨意  
成佳會人世多升沉渺矣無芥蒂

沈允相

一溪蓮可愛當秋未飄零其花尚灼灼其葉更青  
青秋風亦何意滿座送餘馨好景須及時兩丸不  
暫停泛此杯中物藉以適性靈無客還獨酌有客  
喜忘形但得薄薄酒味已勝醪醑折花當酒籌捲  
葉傾酒瓶清涼入肌骨醉卧神常醒

沈樹本

醉鄉極廣大盛暑獨不宜轟然聚衆客坐甌遭蒸  
炊筵前揮白汗庭際愁赫曦但覺益煩懣何足解  
憂思每念河朔飲豪舉亦可嗤縱有碧筒盃雅興  
終難支入秋天宇爽頓覺清風吹炎威掃無跡曷  
不盡百卮

丁凝

松風吹廣陌羣屐集巖扉東軒酒復清好友多忘  
機踞牀幽興足極目孤雲飛老燕辭故巢隊葉戀  
寒暉不惜節物改所嗟會面稀握手不能別壺觴

恆相依竹溪逸者六金谷有同歸如復不痛飲何  
以嗣遺徽

沈樹槐

有酒且當酌無酒乃即止吾聞涑水言此中悟微  
旨酒固不可辭飲亦不可侈清秋動新涼輕颺透  
窗紙兀守寡諧謔啣卮興忽起一飲悠然遠再酌  
陶然喜三杯不復斟興酣則已矣何必陳珍羞羅  
列誇甘美何必嚴酒糾號呶驚閭里

董浩

四時固平分凜秋最可悲節候變肅殺萬物皆就

衰風拂衆葉乾露下百草萎自然生懷惻何必讀  
楚辭秋聲警廬陵秋懷感昌黎古來賢達士往往  
增嗟咨欲求忘憂物莫如把一卮酒中有深味彭  
澤遺良規

沈炳巽

七月行將盡晨興步中林莎雞鳴屋角微露泫衣  
襟小童知我意移席嘉樹陰泛此尊中酒悠然愛  
孤斟引領望天末寥廓寄高吟但願遣俗累勞心  
非所任

沈炳謙

皇天分四序旋轉無停機新涼滌餘暑炎官失其  
威西風如故人爲我排雙扉繞庭還獨步落葉紛  
滿衣獨持一尊酒斟酌臨斜暉代謝亦何常不飲  
徒獻歎

我友無雙士遯跡居孤邨外慕謝簪紱內顧愁饔  
殮懸知秋涼夜僵卧在丘園招之諒不至携酒往  
叩門圭璋貴自寶桃李終無言秋雲何皎潔努力  
盡此尊

平旦坐南榮心驚節物變露重蛩聲悲風急梧葉  
戰拓窗迎爽氣劃見青山面小童諳積習拂几排

筆硯吟成聊自娛惜乏深杯遣墻頭忽招手濁醪  
遞送便一醉就高枕清快滌煩倦寄語觸熱子輒  
紅無苦戀

閏七月六日容齋小集

柯煜

桐陰別院恣盤桓知己相過意未闌小宴留賓工  
跌宕新詩隨境富波瀾東田雨足披襟爽西塞雲  
孤入座寒兩岼菱歌穿畫槳詰朝歸路憶清歡

吳曙

涼軒頻到即遊仙坐久香消一穗烟踪跡蕭疎衫

履外心情澹蕩水雲邊詩看玉局初編後時南陔新編蘇詩  
秋在針樓再上前乘興好撐小艇去渡頭菱芡不  
論錢

沈允相

竹榭桐軒暑尚濃抱琴客至挹清容閒花拂席迴  
幽砌細雨沾林隔遠峰小飲偏能消寂寞高談端  
欲避機鋒幾年更得逢秋閨莫道良緣不易逢

沈炳巽

短衫壓手笑迎君喜誦新吟似嶺雲往歲詩壇曾  
鬪酒而今舊友共論文人間雅會欣重得天上佳

期亦再聞此夕莫嫌勤秉燭明朝又恐愴離羣

沈炳謙

卧聞剝啄到柴關童子開門我破顏已遣涼風清  
竹簟只催駛雨洗秋山詩同三徑荒難闢人比雙  
星會更慳不厭濁醪勤放棹除君誰復愛疎頑

閏七夕再集

柯煜

娟娟新月瞰藤蘿又趁良辰一醉歌天以盈虛分  
玉曆人將顯晦認銀河風敲紈扇流螢少露浥絺  
衣爽氣多好客兩開瓜果宴乘槎歸計尚蹉跎



沈允相

人間良會易蹉跎天上佳期許再過認得橋邊曾  
駕鵲漫勞機畔更停梭回思前度離情切轉覺今  
宵密意多奚翅蘭闈生暗妬碧雲迢迢悵姮娥

沈樹本

綺筵稠疊報佳期瓜果頻陳醉莫辭但覺涼風侵  
素袂又看新月照深卮無端嬌女心情展不礙天  
香信息遲碧落迢迢重騁望只憐烏鵲未安枝

沈炳巽

鍾情太甚笑牽牛兩度翩翩接唱酬良會每從無

意得佳期或恐有心求瑤英剪綵花重散賈氏登  
樓韻更幽惟恨素娥迢迢隔幾回盼不到中秋

沈炳謙

依舊銀河麗碧天雙星會面轉凄然誰言小別纔  
經月已是相思抵一年清漏豈同前度促彩雲更  
較往時妍蘭闈乞巧心無厭重上針樓耿不眠  
綺席方開露漸溥紛紜瓜果又登盤已遲金粟天  
邊放但訝銀河分外寒握手前期歡太淺驚心重  
會別尤難儘拚遠曙無眠坐較勝常時隔歲看

疎雨滴梧桐

沈樹槐

秋雨無端下高梧帶夕暉枝頭響間發葉底落還  
稀暑退清珍簟涼生理袷衣織塵何自到默坐已  
忘機

沈楨國

雨意何蕭颯無端下碧梧已看秋漸迫陡覺暑全  
蘇響共蕉心碎聲隨雁語孤便思憑檻住寫作納  
涼圖

秋夜聯句

暗蛩訴石罅炳清露凝莎庭桐風拂爽籟煜鶴影

軒踈翎月華稍澄穆炳詩思搜杳冥窮探發遐想

震深挾無藏形捷比船下埭炳高若屋建瓴靜逾

縛禪寂煜動欲翔仙靈逞奇呈海市炳汲古窺山

經雄詞吐光怪炳硬語絕娉婷狂逃詠懷阮謂素

醉託荷鋪伶授簡灑急雨煜疾書走迅霆發矢駭

壺子炳游亦恢庖丁興激瘡鬼避炳喧多旁舍醒

瓶笙響中律炳盆沼光涵星僕愛穎士博幼牧有僮

室慚夢得馨竹戛宛叩戶炳燈微類囊螢茶烟迷

短砌炳漁唱傳遙汀荷翻珠的爍炳茗綴花瓏玲

高旻耿斜漢煜叢桂遲寒廳蝶化漆園適炳龍蟠

華山扃願言就高枕

炳

永夕心神寧

炳

韓孟聯句凡十餘篇獨兩雄相當耳惟會合聯句益以水部給事二張涪翁謂四君子皆佳士意氣相入雜以成文遂成千古絕調茲篇排比承接如出一手無縫天衣滅盡鍼線之跡直與古人爭雄矣不然或成四公子甚其不為涪翁所譏者幾何操堂身本跋

謝吳芸齋惠先恭靖公峴山讀書圖

沈炳震

倡

吾祖讀書峴山麓昔日曾聞畫作圖滄桑散失逾百載高曾七世乃至吾一朝忽然落吾手歡喜有似饑得舖焚香再拜一展卷神氣直與生無殊數間老屋倚山下牆頭樹杪雲平鋪青山四繞水百折武陵漁者應迷途隣叟來尋盪野艇頑童遠立

提村沽茆舍蕭疎若碁跣田塍錯列如交衢烟中杳杳露埤塊門外渺渺攢菰蘆烏紗絳服書一卷草堂寂靜無喧呼吾祖少年拾科第金章紫綬相縈紆數歷中外三十載手持玉尺懸冰壺太原開府功赫赫實有惠政夫豈徒乘時大展經濟手霖雨盡使蒼生蘇峩峩牙冠陟臺長時見庭柏來羣鳥豐功巍巍垂史冊遺跡往往留龜趺拂衣歸卧丘壑裏登臨不用傍人扶平生雅有林泉僻寄興水溪兼山隅黃簾竹几並寒餓前除寧必羅瓊瑜清香苦茗更幽寂後堂豈復調笙箏詩書要自有

夙好餘外世慮俱堪無此圖寫自解組後胡然猶  
不忘操觚應知作此示孫子數傳猶得瞻眉須後  
人未能長世守流落他族良可吁延陵先生何處  
得畫本完好無纖滲錯刀繡段那可擬磨礪從此  
窮工夫假饒不用稽古力今日徒為讀畫母乃愚

嗚呼徒為讀畫母乃愚

六世祖恭靖公讀書岷山圖文嘉休承筆也小子耳之熟矣失之既久無從尋

訪芸齋舍人購以見遺兼金拱璧當不是過昔石田翁為牧齋先生七世祖作奚川八景圖廣陵李封君亦從百餘年後於金陵得以歸之牧翁作詩以誌其聚散之事小子筆力闢茸何可仰希前輩竊喜其事昭合用次其韻以謝之并敬識於卷尾云

沈炳巽

黑雲霽對月離畢雨氣侵檐風瑟瑟款門有客來

寒齋欣然倒屣出蓬蓽手持一卷乍展觀圖寫山  
勢何萃嶽中有幽人據案坐絳衣烏帽侵書帖仰  
瞻驚是吾祖像流傳百載遭散失多君愛惜護重  
函餉我何啻金百鎰無心偶獲理或然有意尋求  
那可必吾祖方當未遇時讀書山舍志專壹窮經  
搜史費鑽研闡微索隱盡周悉學成治世用有餘  
廟堂贊畫稱良弼煌煌大業紀太常赫赫竒勲藏  
石室挂冠歸後貌此圖休承下筆特精密三間板  
屋壓平坡仄徑低窗僅容膝婆娑老樹浮濃雲宕  
漾清溪浴落日老人跌坐忘朝餐昕夕盤桓那肯

出茲圖結構有生氣至今肅對猶慄慄殷勤拜受  
告家廟玉軸牙籤珍妙筆遺之子孫作世寶永佩  
明德罔敢佚

吳曙和

吳興恭清真元老功高前代凌烟圖翊贊廟謨歷  
中外豈惟江左稱夷吾建牙山右布惠澤窮簷老  
稚俱含哺坐擁節鉞邊陲靜方叔召虎真無殊柏  
臺晉秩持風紀皂囊白簡飛金鋪惠宗廟祀獨抗  
疏煌煌忠孝感道途居官務期職分稱立朝不用  
虛名沽崢嶸子姓登顯秩一家清要躋天衢竹溪

舊是烟水地插雲第宅開菰蘆寒門華閥隔野渡  
望衡對宇相招呼朱陳親串歷年世薦蘿松柏紛  
縈紆風晨雨夕並展卷花前月下頻提壺側聞先  
生解組後後堂講學饒生徒幅巾布衣出野外踪  
跡往往同樵蘇讀書雅愛地偏僻雲亭深處隨童  
鳥曾教好手寫小影盤陀片石停雙趺煎茶只有  
奚童伴飲酒不喜蛾眉扶畫本流傳入我眼若將  
見之山之隅先生富貴歸故鄉畫堂何不羅瓊瑜  
功成身退林卧日東山何不吹笙箏諦視此圖清  
且冷繇華景色何全無婆婆老眼讀何卷研朱但

見忙操觚前輩風流固如此整冠竦立瞻眉須完  
歸遺像慰哲嗣開緘喜極翻長吁會合從知神物  
異寶貴肯使纖塵洿滿腔至性露楮墨長篇浩瀚  
辟萬夫陽春欲和和不得譬之東家效顰何其愚  
噫嘻東家效顰何其愚

投壺

沈炳震

古人每鄭重小物有深義今人好脫畧即事多游  
戲有如投壺禮六經詳載記主賓交拜讓壺矢嚴  
庀具立馬卒以三挾矢各有四釋算戒比投慶爵

曰既備賜灌與敬養勝負辭各異豈徒習其文要  
以養德器末世好便巧此禮久委棄間有好事者  
亦以小伎視寧知物雖微至理固已寄端疑正厥  
體沉靜深吾志輕躁自多踈矜持亦難與未發辨  
疾徐既脫審軒輊靜極中益多神閒發彌易紛囂  
悉已捐浮念皆克治乃悟學問途未可躁心企詩  
書示標準優游而漸至於茲小見大游藝豈末事  
縱未窺精微庶幾古人意何爲肆詬呶矢斷壺傾  
躓忿爭計後先誚讓矜巧智噫嘻陶情物反以爲  
德累古禮既已亾斯義更誰識不如舉此壺且復

高閣置

沈炳巽

投壺古嘉禮惜哉久不作古來賓主聚對酒相娛  
樂登降崇威儀揖拜毋敢畧置壺兩楹間投矢慎  
審度當飲跪奉觴勝者每先酌氣度何從容言詞  
戒嘲謔備立與踰言俱各有常爵卒投慶多馬賓  
主皆曰諾此禮廢已久誰復肯旁索瞥見古肆中  
置之苦寂寞亟出杖頭錢易歸甚雀躍厥體高二  
尺頸腹大於橐飾之以金銀雕鏤亦聯絡柘棘斫  
爲矢本豐而末薄心注目端倪誠恐偶參錯前後

或過分用力有強弱惰慢情必疎疑畏勢如縛庶  
或等邵李豈敢並周郭石效能隔屏賀生善圍幕  
此技真邈矣迥絕誰能若有時異倖中大抵成小  
却譬諸躁進者學問未克拓比投雖有功君子所  
心作投壺固小道至理之所托拙哉舉世人棄之  
如糟粕舉小詩告之幸勿置高閣

凌霄花

吳曙

屋角牆陰爛熳開憑高其上讀書臺除非天女空  
中散應是江郎夢裏來樣似金萱當檻植勢參銀

漢傍雲裁畫闌那肯容凡卉留待天香佐酒杯

吳啓褒

萬綠陰森暗草堂捲簾瞥見樹頭黃若非古木牽  
成蔓那有竒花放過牆簇葢色宜紅日近放梢影  
共碧雲長孤桐百尺丹山路倒掛金枝引鳳凰

沈炳震

照眼花光徙倚看桐梢牆角總漫漫獨標正色丹  
黃貴肯耐卑枝屈曲蟠烘日乍驚雲錦爛侵晨更  
見露珠溥可能移入芳林殿好與瓊葩共玉闌  
敦行堂雨中看桂

吳曙

天香擬向月中探冒雨招尋興亦酣黃雪半庭風  
欲透黑雲成幄氣全含人間看去應無兩天上移  
來却有三花下團欒拚一醉高枝攀得滿頭簪

沈樹本

雙樹濃鋪數畝寬畫堂秋雨不愁寒新枝淨洗千  
盤聳舊榦沾濡萬粟攢香逼階除添馥郁潤培根  
本愈堅完一年全盛渾難遇有酒何須待月看

吳大燁

廣庭金粟絕纖塵更喜濛濛細雨勻香正濃時雲



愈密花經洗後色彌新子疑靈鷲峰前種人比淮南幕下賓是日會者八人把酒移燈拚久坐待看夜半湧冰輪

中秋鶴語軒小集同用蘇子美吳江亭對月韻

沈樹本

每懷舅氏途路悠隔江萬斛堆離愁歸來却話八年事且傾婪尾烹槎頭琳崑母舅自瓜步歸吟朋展齒更駢集狂奴硯匣肯暫收涼天佳月便堪賞何況今夜剛中秋丹砂丸墮玉鏡啟鴉青幕挂冰盤流照我屋

角光似水參差荇藻中庭浮此時勸客共引滿不聞杜康能解憂客皆停杯鬪詩陣爭看筆力挽萬牛采石欲喚謫仙起廣寒那羨唐宗遊夜闌軟語問吾舅何時騎鶴還揚州

沈樹槐

吾生百年良悠悠胡為不樂徒懷愁况復癡雲兼怪雨幾見明月長當頭良辰正喜逢嘉客戰詩初罷筆陣收人間不能無聚散亦如天上分春秋更不相從謀痛飲空歎歲月如川流青天無塵玉兔滿大地散彩銀盤浮清暉直可澄百慮浩蕩頓使

忘千憂珠淵此夜生老蚌沒水今夕喘吳牛人生  
良會洵可樂瓊樓何必乘風遊先取沈頓冠幘墮  
醉鄉割據稱神州

家在江南黃葉村

茅應旦

柴扉幽僻絕塵凡疊石臨流面碧巖遠近村隣接  
烟火蕭疎門巷護楓杉寒雅到暮翩翩集病葉經  
秋次第芟多少繁華好城市不如此地免憂讒

吳曙

舍北溪流繞舍南薜蘿門巷俯幽潭連塍香稻成

阡陌當戶丹楓各兩三暮靄都從林下散夕陽半  
向樹頭含滿堆落葉窗前掃手撥茶鑪興正酣

沈樹槐

矮屋頽牆不記年疎林如畫曲籬邊野麋識徑來  
偏熟老鸛營巢住最便候值秋冬驚物換人依鄉  
里得天全比隣屢赴雞豚社策杖歸時夕照懸

塞鴻飛急覺秋盡

吳啓袞

涼颼無賴撼書幃結陣摩空趁落暉仰面乍看孤  
影過排空俄見一羣飛還同木葉紛紛墜不比春

風緩緩歸物理細推時序改亟須整頓舊寒衣

吳大燁

朔漠天寒萬里程不辭辛苦向南行冷雲江上纔  
留影涼月樓頭又送聲已歎飄零隨物改况聞嘹  
唳更心驚紛紛豈是傳書侶應爲風霜急遠征

沈樹槐

濃霜是處染丹楓歲序驚心雁字中初列陣時雲  
黯淡正分飛處月朦朧頓令此夜皆南望爭忍明  
朝又朔風極目長途重搔首關河有夢許誰同

落葉

沈涵

霜飛能幾日木葉隕紛綸借月留痕重因風送響  
頻臨池需作紙煮茗却添薪莫歎吳江冷應憐塞  
外人

沈樹本

遂與秋同盡紛紛一徑堆非關曉風急最怕晚雅  
回天意摧難挽山容老漸頹惟堪賦枯樹開府有  
餘哀

簾幕霜初重關河月正明埽庭仍有跡隔院竟無  
聲不掩啼螿苦能令遠雁驚繁華真一夢回首悟



原件短缺

浮生

沈炳吳

老樹飄零盡蕭疎立莫鴉捲簾通遠岫吹笛漏人家  
歷歷聲逾急翩翩影更斜穆陀有墜葉不藉袖  
中茶

觀生堂雨中小集懷易齋却寄

吳曙

蕭蕭荒徑長蒿萊傍水柴門特地開好約雙溪文  
字飲同登小弟讀書臺客當聽雨方停屐我正看  
雲嬾舉杯不信近時無好句西堂枉自夢頻來

去未朦朧何須憑拭銅

丁凝

巧製方空貯玉蟾蘭膏掩映壓華

輝別映雪偏教素影添明月三分穿繡幕好  
片隔重簾匡衡舊有詠詩地良夜孤檠永不厭

沈炳謙

鬼工人力巧無加萬縷千絲未足誇刻畫全須單  
幅襯玲瓏正要一層遮春風吹動花深護樺燭燒  
殘淚未斜補入俳諧吳地志吟成吾已媿籠紗



